

## G20 – 15.11.2018

G20 steet fir de Grupp vun den 20. Dat sinn 20 Staaten, déi informell zesummekommen, fir iwver international Finanz- a Wirtschaftsfroen ze diskutéieren. De Forum ass informell, well d'Ëmsetzung awer ëmmer bei de jeeweilige Staaten läit, et gëtt keng juristesche Konsequenz, wann Decisiounen net ëmgesat ginn. D'Staaten treffen sech all Kéier op enger anerer Plaz. Dëst informell Trefften huet déi éischte Kéier 1999 stattfonnt.

D'Zil ass, Léisungen ze fannen fir grouss international Erausforderungen an der Wirtschaft. Et notzt een dëst Trefften gären, fir iwver den Zoustand vun der Weltpolitik ze diskutéieren, wéi z.B. Migration, Klimawandel oder Sécherheetspolitik.

Bei de G20-Trefften komme Staats- a Regierungschefen (resp. och Finanzminister) vun 19 Staaten an d'EU zesummen. Si gëllen als Verrieder vun de wichtegsten Industrie- a Schwellenländer op der Welt. Member vu G20 sinn: China, Indien, d'Europäesch Unioun, USA, Indonesien, Brasilien, Russland, Japan, Mexiko, Tierkei, Däitschland, d'Vereenegt Kinnekräich, Frankräich, Italien, d'Republik Korea, Südafrika, Argentinien, Kanada, Saudi-Arabien an Australien. Och aner international Organisatiounen, wéi z.B. de Währungsfond oder d'Weltbank, huelen un dësem Trefften Deel.

An de G20-Staaten liewen ongeféier zwee Drëttel vun der Weltbevölkerung an si erwirtschaften ronn 80% vum globale Bruttoinlandsprodukt.

Et gëtt awer och vill Kritik um G20-Format. 2017 gouf d'G20 Trefften zu Hamburg organiséiert. Kritiker a Kritikerinnen hunn am Virfeld zu groussen Demonstratiounen opgeruff, fir sech géint d'Politik an déi ontransparent an ondemokratesch Struktur vum G20 auszschwätzen. Si sot, dass dës Staate staark vun offener Grenze beim Handel profitéieren, awer gläichzäitig Grenzen zoumaachen an net hëllefen, wann et ëm Mënsche geet, déi viru Krich an Terror flüchten.